

BAMMINEDDU PICCIRIDDU

Bammineddu picciriddu

lu me cori lu voli iddu
iddu cianci ca lu voli
Bammineddu arrobba cori

Lu Bamminu mentri jucava
si chiamava li picciriddi
e furriavanu 'ntunnu 'ntunnu
e jucava tuttu lu munnu

Matri e figghiu vuliti viniri
vi ci portu vulinteriu
dda va trovi lu circu tunnu
e la nanna ti fa jucari.

Bammineddu balla balla

ca lu chianu e tuttu tò
unni posi lu tò piduzzu
nasci gigliu e basilicò

Mariuzza sinni iu a sidiri
ni la casa di Sant'Anna
lu Bamminu si misi a cianciri
matri mia vogghiu la nanna